



Asunto: Contratación administrativo laboral temporal

Expediente: 2021/G003/000067 **Expediente orixe:**2020/X999/000227

Sendo titular da Presidencia do Consorcio Provincial Contra Incendios e Salvamento de A Coruña, don Valentín González Formoso, a referida Autoridade dita a seguinte resolución:

Logo de ver o informe da Xerencia de 15.12.2020 no que, entre outros aspectos expoñía o seguinte:

<<Con data 06.11.2020 asinouse pola Presidencia do Consorcio, a proposta da Xerencia, a seguinte solicitude:

"No BOP nº 188 de 06.11.2020 vense de publicar a aprobación definitiva da modificación da Relación de postos de traballo do Consorcio Provincial contra incendios e Salvamento da Coruña.

A través da mesma, entre outros, créanse un posto de técnico de administración xeral e un de administrativo, cuxa dotación está prevista nos orzamentos desta entidade, para o exercicio 2020

.Atopándose pendente de aprobación a correspondente oferta de emprego público, urxe a contratación de persoal interino para as mencionadas prazas.

A maiores, o vindeiro mes de febreiro rematará a contratación por acumulación de tarefas de dúas administrativas, sendo imprescindible por tanto, que a incorporación do persoal de reforzo dos servizos administrativos, previsto na Relación de postos de traballo, se realice no prazo mais breve posible.

Logo do exposto, de acordo co previsto no artigo 121 da Lei 40/2015, de 1 de outubro, a adscrición ao Consorcio SOLICITASE, á Deputación Provincial da Coruña: a adscrición de persoal de esa Deputación, para o desempeño das funcións de técnico de administración xeral e administrativo, con carácter interino.

Noutro caso, de non ser posible, se autorice a este Consorcio para a contratación directa de persoal a través dos correspondentes procesos de selección de persoal."

Como consecuencia do anterior con data 11.11.2020, e rexistro de entrada nº 20209000005683, recibíuse contestación á solicitude formulada, co seguinte contido:

"En relación co seu escrito de data 06/11/2020, comunícolle que non é posible contar con persoal procedente da Deputación e consecuentemente, e de conformidade co disposto no artigo 121 da Lei 40/2015, do réxime xurídico do sector público, autorízase ao Consorcio para o nomeamento de funcionarios interinos ou contratación de persoal laboral dun administrativo e un técnico de administración xeral a través das bolsas de emprego das que dispoñen ou a través dos correspondentes procesos selectivos".>>

Logo de ver que mediante Decreto da Presidencia núm. 311/2020, de data 31.12.2020, aprobáronse as bases e convocatoria para a provisión interina e/ou laboral temporal para postos de administrativas/os no Consorcio Provincial Contra Incendios e Salvamento de A Coruña, mediante o sistema de concurso oposición libre.

Logo de ver que mediante Decreto da Presidencia núm. 62/2021 de data 02.03.2021 aprobouse a formación da bolsa de emprego para provisión interina e/ou laboral temporal para postos de administrativas/os no Consorcio Provincial Contra Incendios e Salvamento da Coruña, con todos os aspirantes que superaron o exercicio da fase de oposición, e ordenados por orde de maior a menor puntuación obtida no proceso selectivo

Como consecuencia do anterior esta Presidencia, considerando que se trata de unha necesidade para garantir o funcionamento do único servizo que este Consorcio ten encomendado, e por tanto esencial e prioritario; considera necesaria a contratación conforme ao establecido nas bases reguladoras da bolsa de emprego.

Feito o chamamento mediante requirimento telefónica, a aspirante que ocupa o primeiro lugar na lista que conforma a bolsa de emprego manifestou a súa renuncia en escrito con rexistro de entrada número 20219990000335 de data 02.03.2021. Procédese ao chamamento da seguinte persoa da lista, que conforma a bolsa de traballo, que manifestou a súa aceptación.

Unha vez presentada en tempo e forma a documentación requirida na base 14 das reguladoras da bolsa, procede a súa contratación como funcionaria interina.

De acordo coa mencionada proposta, examinado o expediente, e ao abeiro do disposto no artigo 10 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público., de conformidade co artigo 21.1.h) da Lei 7/1985, de 2 de abril, de Bases do Réxime Local e o 14 dos Estatutos reguladores do Consorcio, mediante o presente



RESOLVO :

PRIMEIRO.- Contratar a Dona Laura Castiñeira Vilariño con DNI: 79.333.668-K como administrativa, en consecuencia formalizar, no prazo de tres días hábiles dende a presentación da documentación á que fai referencia a base 14 das reguladoras da bolsa de emprego, a contratación mediante toma de posesión como funcionaria interina segundo o regulado no artigo 10 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público ata a provisión da praza de forma definitiva e en réxime de dedicación a tempo completo.

SEGUNDO.- Autorizar e dispoñer o crédito necesario para a súa contratación, incluíndo salario e seguridade social, con cargo ás aplicacións orzamentarias correspondentes.

TERCEIRO.- Facer público este acordo no Taboleiro de anuncios do Consorcio, no Taboleiro de anuncios da sede electrónica e na páxina web do Consorcio.

CUARTO.- Dar traslado da mesma aos servizos de Secretaría Intervención, e nóminas.

QUINTO.- Contra a presente resolución, que pon fin á vía administrativa, poderase interpoñer, potestativamente, recurso de reposición ante o mesmo órgano que ditou o acto, no prazo dun mes a contar a partir do día seguinte ó da recepción da notificación da presente, ou ben, directamente, recurso contencioso-administrativo ante o xulgado que corresponda no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

En Carballo, na data que figura na sinatura dixital

O presidente,
Asdo.: Valentín González Formoso

A secretaria Interventora,
Asdo.: M^a Graciela Riveiro Moreira